


Tulun-an 7

# ANG DIOS MAGALUWAS SA IMO



Tun-i ini nahanungod sa Dios

Ginakuha sang Dios ang ano man nga malain nga butang.

Buot sang Dios luwason ang tawo.

Ginaluwas sang Dios yadtong nagasunod sa Iya.

Ang Dios magaluwas sa imo.



Basaha gikan sa Biblia

Basaha sing mabaskog sing 5 beses

Ang Dios . . . nagsiling kay Noe . . . "Maghi-mo ka sang arka . . . kay yari karon magapadala ako sang anaw sang mga tubig sa ibabaw sang duta . . . apang pagahimoon ko ang akon katipan sa imo. Tipigan ko ikaw sa barko." Genesis 6:12-14, 17, 18.

Mabuhat mo bala ini?

Butangi sang kulang nga mga letra:

1. Ang Dios nagaluwas sadtong mga naga T . . . . . sa Iya.
2. Ginsinganganan sang Dios si Noe nga magbuhat sang A . . . . .
3. Kuhaon sang Dios ang ano man nga butang nga m . . . . .

## Mga Sabat

1. tuman

2. arka

3. malain

### Mga tinaga nga tun-an mo

Ang arka ngalan sang barko nga ginbuhat ni Noe.  
Ang pagsunod amo ang pagbuhat sang ginapabuhat sa imo.  
Ang baha nagakahulogan ang tubig nagtabon sang kalibutan.



Ginkuha sang Dios ang ano man nga malain nga butang. Linyahi ang tanan nga tinaga halin sa  
• tubtob sa. • Ano ang himuon mo kon makita mo ang dunot nga patatas upod sang mga maayo?

Ihaboy mo ang mga dunot nga patatas kag ibilin ang maayo.


Kon indi mo pagbuhaton ini ang mga maayo nga patatas magamalain man.

Ginkinahanglan man nga buhaton ini sang Dios sang isa ka tion.

- Gintinloan sang Dios ang Iya kalibutan sa wala pa magmalain ang tanan. • Kinahanglan kuhaon Niya ang pag-ilinaway kag pagpatyanay, Ang pagbinutig, pagdaya, malaw-ay nga mga pulong, kag iban nga mga sala. Ang Dios manag-iyasang isa ka matinlo kag bag-o nga kalibutan. ang tagsa-tagsa diri magmangin maayo.


## Buot sang Dios magluwas sang mga katawhan.

Pagkatapus nga si EnoK, nagkadto sa langit ang mga tawo labi nga nagpakasala. Nagbuhat sila sang malain nga butang sa tanan nga panahon. Si Noe kag iya panimalay lang ang nabilin nga maayo sa bilog nga kalibutan. • Ginhimo sang Dios si Noe nga iya kabulig. • Ang Dios nagsiling kay Noe: "Maghimo ko sang arka. Magapadala ako sang anaw. Ang mga tawo lamang sa arka ang maluwas."



Ang Dios nagahigugma sa mga tawo kag buot magluwas sa ila. Ginpasugid Niya sa mga tawo ang anaw. Ang panimalay lang ni Noe ang nagtoo. Ang asawa ni Noe, ang tatlo Niya ka mga anak kag ang ila mga asawa nagtuo sa Dios kag nagbulig sa pag-handa sang barko.


Samtang nagahimo si Noe sang barko nagkadlaw ang mga tawo. Nagsiling sila, "Buang ka sa pagsunod sa Dios." Ginhambalan ni Noe ang mga tawo nga magsunod man sa Dios. Ang mga tawo nagkadlaw nga nagkadlaw sa iya.



Sang mahuman ang arka ang Dios nagsiling kay Noe nga butangan ini sang pagkaon para sa mga hayop. Ginbuhat ni Noe kag sang iya panimalay ang tanan nga ginpabuhat sa ila sang Dios.

## Ginaluwas sang Dios ang tanan nga nagsunod sa Iya.

Paris paris nga mga  
hayop kag pispis ang nag-alabot  
gikan sa lain-lain nga duog.  
Dalagko nga elepante,  
magahod nga mga amo, mga pispis  
nagluwad pasulod sa arka. Ang  
mga kuring kag mga ido nagdalagan  
pasulod. Ang mga manok nagsu-  
lulod man.



Si Noe kag ang iya panimalay  
nagsulod man. Gintakpan sang Dios ang  
ganhaan. Nagsugod ang pag-ulan, nagbaha,  
kag ang tanan sa gowa sang arka nalumos.

• Ang tanan nga nagsunod sa Dios  
naluwas sa sulod sang arka. •

### Ang Dios magaluwas sa imo.

Karon ang kalibutan puno  
na naman sang sala. Pagakuhaon sang  
Dios ang tanan nga butang  
nga malain. Apang  
luwason ka sang Dios kon magsunod  
ka sa Iya. Pangayoa sa Dios nga luwason  
ka kag ang imo panimalay.

#### Pangamuyo:

Palihog buligi ang akon panimalay kag mga  
abyan magtuo sa Imo agud maluwas  
sa sala. Buligi kami nga magsunod katulad  
sadtong nakakita sang arka kag nagsulod didto.



Karon sulati ang imo Rekord sang Estudyante sa Leksyon 7.


INTERNATIONAL CORRESPONDENCE INSTITUTE  
PHIL. NATIONAL OFFICE F.O. BOX 1084, MANILA

## ANG DIOS MAGALUWAS SA IMO

## KALINGAWAN PARA SA IMO

Butangi sang mga pispis kag mga hayop ang arka ni Noe. Gamita ang kahon ukon ang lamesa para sa arka. Maghimo sang mga hayop ukon pispis nga papel, kahoy, ukon lunang.

Sa paghimo sang dilihonon nga arina: samo-u ang  $1/2$  sa tasa nga arina kag  $1/4$  sa tasa nga asin. Butangi sang nagakaigo nga tubig agud magkalaput. Masahon tubtob magpino kag magdihon sang mga hayop kag pispis. Kon indi na ginagamit taboni sang basa nga tela agud magamit mo liwat.



Panginbulahan! Halos katunga na sini nga kurso ang imo natapos. Naluyagan mo bala ang mga tulun-an? Kon matapus mo ini nga kurso may iban pa nga mahimo mo matun-an.

Isulat sing maathag:

Ang imo ngalan .....

Puluy-an .....

Petsa sa pagpadala .....

**Linyahi padulong sa husto nga mga sabat.**

- |  |     |           |
|--|-----|-----------|
| 1. Ang Dios nagluwas kay Noe kag iya                 | • • | baha      |
| 2. Si Noe naghimo sang                               | • • | Dios      |
| 3. Ang mga tawo nagkadlaw kay                        | • • | panimalay |
| 4. Si Noe kag iya mga anak nga<br>lalaki nagsunod sa | • • | Arka      |
| 5. Ang Dios sa tanan nga tion<br>nagabuhat sang      | • • | Noe       |
| 6. Ginluwas sang Dios si Noe sa                      | • • | naluwas   |
| 7. Ginhigugma ni Noe ang Dios gani sia               | • • | husto     |
| 8. Ang mga tawo kinahanglan magsunod<br>sa Dios      | • • | karon     |

Maghimo sang listahan sang imo panimalay kag mga abyan nga gusto mo makakadto sa langit. Isulat ang imo ngalan sing una.

.....

.....

.....

.....

.....

Nahambalan mo na bala ini sila nahanungod sa Dios?

Pangamuyoi nga magtuo sila sa ginasiling sang Dios sa Biblia.

Pangamuyoi nga maluwas sila sa ila sala kag makakadto sa langit. Ang imo manunudlo magapangamuyo man sa ila.

Ginbuhat mo bala ang tanan sa sini nga tulon-an? .....

Grado .....

Ang imo eksamin pagagradohan kag ibalik sa imo upod sang masunod nga tulon-an. Malipay kamo kon magsulat ka sa amon. Mamangkot ka kon may mga butang nga buot mo mahibaloan samtang nagatuon sini nga kurso. Ipadala ini sa ICI, Philippine National Office, P.O. Box 1084, Manila.